

PROGRAMACIÓN DIDÁCTICA LOMLOE

Proxecto competencial 1º ESO

Curso: 2022/2023

CÓDIGO DO CENTRO: 15027976

IES Poeta Añón

Enderezo		C.P.
Rúa Poeta Añón 21		15230
Localidade	Concello	Provincia
Outes (San Pedro)	Outes	A Coruña
Tfno.	Fax	Correo electrónico
881866221	881866222	ies.poeta.anon@edu.xunta.gal
Páxina web	http://www.edu.xunta.gal/centros/iespoetaanon/	

Contido	Páxina
1. Introducción	3
2. Obxectivos e súa contribución ao desenvolvemento das competencias	6
3.1. Relación de unidades didácticas	7
3.2. Distribución currículo nas unidades didácticas	8
4.1. Concrecións metodolóxicas	10
4.2. Materiais e recursos didácticos	11
5.1. Procedemento para a avaliación inicial	12
5.2. Criterios de cualificación e recuperación	14
5.3. Procedemento de seguimento, recuperación e avaliación das materias pendentes	17
5.4. Procedemento para acreditar os coñecementos necesarios en determinadas materias	19
6. Medidas de atención á diversidade	20
7.1. Concreción dos elementos transversais	24
7.2. Actividades complementarias	25
8.1. Procedemento para avaliar o proceso do ensino e a practica docente cos seus indicadores de logro	26
8.2. Procedemento de seguimento, avaliación e propostas de mellora	27

1. Introducción

A materia de Proxecto Competencial diríxese ao desenvolvemento das competencias transversais a través da realización de proxectos significativos para o alumnado e da resolución colaborativa

de problemas, reforzando a autoestima, a autonomía, a reflexión e a responsabilidade.

As competencias poden entenderse como unha combinación de coñecementos, capacidades e actitudes, nas que os coñecementos se compoñen de feitos e cifras, conceptos, ideas e teorías que

xa están establecidos e apoian a comprensión dunha temática concreta. As capacidades entén-

dense como a habilidade para realizar procesos e utilizar os coñecementos existentes para obter

resultados. As actitudes describen a mentalidade e a disposición para actuar ou reaccionar ante as

ideas, as persoas ou as situacións.

Nese sentido, as competencias son aquelas que as persoas precisan para o seu desenvolve-

mento persoal, para resolver situacións e problemas en distintos ámbitos da vida, para crear novas

oportunidades de mellora, así como para desenvolver a súa socialización, lograr a continuidade do

seu itinerario formativo, e inserirse e participar activamente na sociedade na que vivirán e no coi-

gado da contorna natural e do planeta. Estas competencias desenvólvense cunha perspectiva de

aprendizaxe permanente, desde a primeira infancia ata a vida adulta, e mediante a aprendizaxe

formal, a non formal e a informal en todos os contextos, incluídos a familia, o centro educativo, o

lugar de traballo, a contorna e outras comunidades.

As competencias poden aplicarse en contextos moi distintos e en diversas combinacións, nas

que se solapan e entrelazan, xa que determinados aspectos esenciais nun ámbito apoian a compe-

tencia noutro. Entre estas competencias intégranse capacidades como o pensamento crítico, a re-

solución de problemas, o traballo en equipo, as capacidades de comunicación e negociación, as

capacidades analíticas, a creatividade e as capacidades interculturais.

Deste xeito, a materia de Proxecto Competencial pode configurarse como un traballo monográ-

fico ou un proxecto interdisciplinario ou de colaboración cun servizo á comunidade, e as actividades

que se propoñan reforzarán os aspectos máis transversais do currículo, favorecendo a interdiscipli-

nariedade e a conexión entre os diferentes saberes.

Para facilitar a concreción curricular desta materia establécense tres bloques. No primeiro blo-

que, o propósito é que cada alumna e cada alumno adquiren as competencias necesarias para

prever un plan de traballo de cara á realización de proxectos ou a resolución de problemas.

No segundo bloque, unha vez previsto un plan de traballo, o alumnado terá que mobilizar con-

xuntamente as competencias transversais e os seus coñecementos para, segundo as pautas esta-

blecidas, resolver os problemas ou executar os proxectos planificados.

No terceiro bloque, abórdase a presentación do proxecto competencial por parte do alumnado.

Cómpre reforzar a presenza da comunicación nas aulas, e esta materia parece un ámbito adecuado

para o facer, polo que máis que a simple exposición do traballado se busca tamén a presentación

dun discurso. Por outra banda, neste bloque inclúense aspectos relacionados co emprego de so-

portes audiovisuais e informáticos que serven de apoio.

Desta maneira, a través da realización de proxectos significativos e da resolución colaborativa

de problemas, oriéntase o alumnado para comprender a realidade social, resolver conflitos de forma

reflexiva, dialogar para mellorar, respectar os valores universais, crear un sistema de valores pro-

pios e participar activamente na vida cívica de forma pacífica e democrática.

2. Obxectivos e súa contribución ao desenvolvemento das competencias

Proxecto competencial

Obxectivos da área	Competencias Clave (descriptorios operativos)							
	CCL	CP	STEM	CD	CPSAA	CC	CE	CCEC
OBX1 - Diseñar un plan de traballo para a realización dun proxecto ou a resolución dun problema a través da definición de obxectivos e das accións para acadalos, tendo en conta as necesidades da contorna.	1			1	1-5	3	1-2-3	
OBX2 - Desenvolver o proxecto segundo a planificación prevista mobilizando conxuntamente as competencias transversais que se requiran.	1-3		5	3	1-3	2	3	
OBX3 - Presentar os resultados asociados ao proxecto competencial empregando dun xeito respectuoso estratexias e ferramentas de comunicación adecuadas cunha linguaxe verbal e corporal positiva, control das emocións negativas e, de ser o caso, co uso de recursos informáticos e audiovisuais.	1-5	3	3	2-3	1-3			3-4

3.1. Relación de unidades didácticas

UD	Título	Descrición	% Peso materia	Nº sesións	1º trim.	2º trim.	3º trim.
1	Crear un mural no centro.	1.- Debate e reflexión sobre a temática a tratar, (igualdade, cambio climántico,....) Busqueda de información. Aportación de ideas. Elección do espazo a embelecer. Elección de materiais axeitados. 2.- Preparación do soporte e elaboración do mural. 3.- Conclusión e exposición.	100	35	X	X	X

3.2. Distribución currículo nas unidades didácticas

Proxecto competencial (1º ESO)

Identificación da unidade didáctica

UD	Título da UD	Duración
1	Crear un mural no centro.	35

Criterios de avaliación

Criterios de avaliación	Instrumentos de avaliación	Mínimos de consecución	Peso orientativo
CA1.1 - Recoñecer a importancia da temática do proxecto que se pretende abordar.	TI	Entende que é importante comunicar valores. É quen de reflexionar sobre cales son as cuestións principais que se deberán abordar un proxecto común.	7
CA1.2 - Identificar e determinar os recursos e materiais necesarios para a realización do proxecto.	TI	É quen de entender e diferenciar os materiais necesarios para a realización dun mural duradeiro.	6
CA1.3 - Identificar, seleccionar e analizar a información que se precisa.	TI	É capaz de tomar decisións sobre algúns aspectos do proxecto. Aporta positivamente e con criterios propios información relevante e sabe respectar a allea.	6
CA1.4 - Realizar a secuencia e a temporalización das actuacións necesarias para a execución do proxecto.	TI	Comprende e acepta que é un proxecto participativo e común.	6
CA1.5 - Prever as incidencias que se poidan producir no desenvolvemento das actuacións do proxecto e propoñer posibles solucións a estas.	TI	É capaz de buscar e propor solucións axeitadas ás posibles circunstancias adversas que podan xurdir.	6
CA2.1 - Executar as actuacións asociadas coa secuencia e a temporalización prevista.	TI	Participa e colabora seguindo as indicacións.	6
CA2.2 - Aplicar os coñecementos axeitados e mobilizar as competencias cos niveis de calidade requiridos.	TI	Aplica os coñecementos debatidos e tratados para a correcta evolución do proxecto.	6
CA2.3 - Empregar, de ser o caso, os recursos e materiais previstos para a execución das actuacións.	TI	Utiliza con corrección os materiais e é quen de seguir as instrucións do plan trazado.	9

Craterios de avaliación	Instrumentos de avaliación	Mínimos de consecución	Peso orientativo
CA2.4 - Resolver, dentro do seu nivel de autonomía, ou comunicar as incidencias xurdidas durante a execución das actuacións.	TI	Ten autonomía e pode solucionar calquera incidencia que poda xurdir.	6
CA2.5 - Valorar os resultados logrados ao termo da execución do proxecto.	TI	É quen de valorar trazos e calidades persoais propias e das demais persoas.	7
CA3.1 - Presentar o proxecto realizado e, de ser o caso, os produtos finais obtidos.	TI	Comparte os coñecementos e as experiencias cos demais.	7
CA3.2 - Empregar unha linguaxe verbal con corrección e claridade, para enxalzar a expresividade e eficacia do discurso.	TI	Exprésase con claridade á hora de expor as súas ideas.	6
CA3.3 - Empregar unha linguaxe corporal e a presenza escénica como códigos comunicativos para enxalzar a expresividade e eficacia do discurso.	TI	Utiliza unha comunicación non verbal axeitada e correcta.	7
CA3.4 - Potenciar as emocións positivas na exposición e controlar, de ser o caso, a conduta asociada ás emocións negativas.	TI	Afronta o proxecto cunha actitude emprendedora, resolutiva, áxil, innovadora, sostible e creativa. É quen de controlar as súas emocións negativas.	7
CA3.5 - Empregar recursos dixitais, audiovisuais ou plásticos como apoio na presentación do proxecto.	TI	Coñece estratexias de comunicación adecuadas e áxiles e sabe aplicar diferentes ferramentas comunicativas, especialmente as ligadas ás novas tecnoloxías.	8

Lenda: Tipo instrumento PE: Proba escrita, TI: Táboa de indicadores

Contidos

Contidos
C1.1 - Procura e selección de información relacionada cos proxectos.
C1.2 - Planificación: secuenciación e temporalización.
C2.1 - Execución de proxectos: dinámicas e roles.
C3.1 - Presentación de proxectos: a expresión verbal e corporal; control das emocións e da conduta.
C3.2 - Uso de recursos dixitais, audiovisuais ou plásticos de apoio á comunicación para a presentación do proxecto.

4.1. Concrecións metodolóxicas

- Exposición, por parte do docente, da nova tarefa a realizar.

- Avaliación inicial, se se considera necesario, co fin de coñecer as ideas previas que ten o alumnado sobre os contidos da unidade.

- Contidos necesarios para a elaboración do mural en E-DIXGAL.

- Visionado e procura de traballos semellantes realizados por outras persoas .

- Análise, reflexión e debate sobre o tema a elixir.

- Creación de ideas propias. Metodoloxía investigadora e creadora.

- Debate e reflexión sobre as ideas propias aportadas.

- Traballo grupal que involucra a os cursos nos que se imparte a materia,1º e 3º.

- Traballo en grupo, realización do mural, proceso pictórico, guiado polo profesorado.

- Reflexión persoal e conxunta sobre os resultados.

4.2. Materiais e recursos didácticos

Denominación

- Ordenador con conexión a internet e proxector con pantalla.
- Plataforma de ensino virtual EDIXGAL.
- Materiais pictóricos funxíbeis, pintura, brochas,.....
- Material necesario para a elaboración das escalas, regras,...
- Batas protectoras.
- Páxinas web.
- Algún tipo de material fotográfico, para exposición final e publicidade.

5.1. Procedemento para a avaliación inicial

1. PROPÓSITO DA AVALIACIÓN INICIAL:

Para comezar, é importante definir que é o que se quere conseguir por medio da avaliación inicial. Canto máis concreta sexa esta definición, máis útil será para unha toma de decisións axustada.

Debe proporcionar información relevante sobre os niveis xerais do grupo e do alumnado que o integra e servir como punto de partida para a contextualización do proceso de ensinanza-aprendizaxe. Pode ser moi útil para orientar a programación, a metodoloxía a utilizar, a organización da aula,... así como para axustar a actuación docente ás necesidades, intereses e posibilidades do alumnado.

2. RECOLLIDA DE INFORMACIÓN:

A segunda fase da avaliación inicial, coincidinte coa de calquera proceso de avaliación, é a recollida de información. Tratarase de manter o equilibrio entre recoller todos aqueles datos que sexan precisos para o que se quere facer e centrarse só naqueles que sexan útiles para a decisión a tomar.

Os aspectos sobre os que recoller información serán:

- Coñecementos sobre pintura.
- Creatividade.
- Uso das tecnoloxías.

-Niveis de expresión.

-Competencia curricular: comunicación, autonomía, habilidades...

-Características do alumno/a: intereses, motivación, estilo de aprendizaxe...

O formato de recollida de información pode ir desde elaboración de cuestionarios como tarefas en EDIXGAL , cuestionarios en papel, ata conversas informais, debates, etc. Con unha hora semanal intentarase levar a cabo o antes posible.

A reunión de avaliación inicial co equipo docente e o Departamento de Orientación, así como a información aportada polo titor do grupo, axudará a completar a información recollida e poñela en común.

3. TOMA DE DECISIÓNS:

Unha vez analizada toda a información, tomaranse decisións sobre os seguintes aspectos:

- Respecto ao currículo: deseñar adaptacións curriculares e reforzos nos casos necesarios.

5.2. Criterios de cualificación e recuperación

Pesos na materia:

Unidade didáctica	Proxecto competencial		Total Prog.
	UD 1	Total UA	
Peso UD/ Tipo Ins.	100 %	100 %	100 %
Táboa de indicadores	100	100 %	100 %

Criterios de cualificación:

CUALIFICACIÓN POR AVALIACIÓN:

O grao de consecución dos criterios de avaliación da unidade da materia, crear un mural , establecerase do seguinte xeito:

Mediante realización de prácticos, na procura de información da participación na elaboración de ideas e solución de problemas dos que o alumnado coñecerá os indicadores de logro: Peso porcentual na nota de cada avaliación: 40 %

Observación durante o proceso de realización do proxecto: Peso porcentual na nota de cada avaliación: 60%

É importante que se cumpran as instrucións dadas polo profesorado en canto a formato, técnicas, materiais, etc.

Os indicadores de logro corresponderanse cos criterios de avaliación e se poden aplicar en forma de rúbricas, listas de cotexo, escalas de valoración, ou outros instrumentos.

CUALIFICACIÓN FINAL:

Anota final consistirá nunha media ponderadas tres avaliacións.

Criterios de recuperación:

RECUPERACIÓN AO LONGO DO CURSO:

O ideal para que o alumnado poida ir superando as dificultades en canto son detectadas é con algún tipo de axuda mais activa por parte do profesor/a, á hora de realizar a actividade.

Así, para poder recuperar as notas das avaliacións non superadas, o alumnado terá que

amosar na execución do traballo que vai superando as dificultades e segue as instrucións do profesor/a. De ser a dificultade un problema de actitude, terá que demostrar un cambio para mellor nela.

RECUPERACIÓN FINAL:

O alumnado que non supere a materia unha vez avaliados os tres períodos citados, pode presentarse a unha avaliación final que consistirá en:

a) Elaboración dun proxecto teórico-práctico a realizar durante o tempo de clases, guiado polo profesorado.

Peso porcentual na nota: 100%

Durante o tempo de preparación co que conta o alumnado desde que remata a 3a avaliación ata a final, farase un percorrido polos contidos que se avaliarán e guiáraselle para poder levar a cabo dito proxecto.

5.3. Procedemento de seguimento, recuperación e avaliación das materias pendentes

SEGUIMENTO PERIÓDICO:

O alumnado con esta materia pendente poderá recuperala seguindo un plan de reforzo ao que o alumnado terá acceso, a través de EDIXGAL, matriculando o alumno/alumna para o seguimento. Tendo en conta as necesidades do alumnado, os materiais dixitais poden ser complementados cun caderno de actividades en formato físico.

O profesorado poderá realizar un seguimento continuo do plan e do alumnado a través de EDIXGAL, ademáis tamén, mediante reunións presenciais, fixando un recreo para dita atención, posibles aclaracións ou indicacións .

A avaliación levarase a cabo nas datas indicadas e feitas públicas desde o centro, a través de entregas de traballos que serán recollidos de xeito físico ou a través de EDIXGAL. É importante que se cumpran as instrucións dadas polo profesorado en canto a formato (caderno, carpeta, traballos soltos, dixital...) técnicas, materiais, etc., e que sexan entregados nas datas indicadas, xa que iso será tido en conta á hora da consecución dos indicadores de logro.

A nota final consistirá na media das 3 entregas ou avaliacións, segundo un peso en evolución crecente, que permitirá ao alumnado unha progresividade na adquisición das competencias requiridas para superar a materia:

- 1a entrega: 30%

- 2a entrega: 30%

- 3a entrega: 40%

PROBA FINAL:

De non superar a materia a través das entregas periódicas, o alumnado poderá presentarse a unha proba final, que consistirá nunha proba teórico-práctica.

5.4. Procedemento para acreditar os coñecementos necesarios en determinadas materias

Este apartado non procede neste curso.

6. Medidas de atención á diversidade

Partimos da idea do principio de individualización do ensino e de que a aula é un conxunto de diversidade. Deberemos ser flexibles á hora de adaptar a nosa programación, especialmente a metodoloxía, adoptando medidas de carácter preventivo unha vez coñezamos as características das persoas coas que imos traballar.

A inclusión será un factor determinante no desenvolvemento das propostas de traballo das unidade didáctica, que terán lugar en ambientes de aprendizaxe centrados no alumnado, para que todos/as poidan demostrar o seu potencial e sexan partícipes das situacións de aprendizaxe.

En cada curso podemos enfrontarnos ao reto de ter alumnado con discapacidades visuais, auditivas,

motoras, así como diagnósticos de TDAH ou TEA, entre outras moitas patoloxías. Tamén atoparemos alumnado recentemente incorporado ao noso sistema educativo, procedente do estranxeiro, algúns deles sen coñecer as linguas vehiculares, estudantes que proveñen de diferentes orixes socioeconómicas, con condicións persoais difíciles, distintos xeitos de aprender, ritmos de asimilación dispares e niveis de motivación desiguais. Tampouco podemos esquecer ao alumnado de altas capacidades que son un desafío para o docente e unha gran fonte de inspiración para o resto de compañeiros.

Conscientes de que perseguimos acadar os obxectivos propostos de acordo ás capacidades e intereses do alumnado, as medidas de atención á diversidade centraranse en:

MEDIDAS CURRICULARES E METODOLÓXICAS: supoñen unha adaptación encamiñada a modificar as disfuncións, transitorias ou permanentes, detectadas en certo alumnado.

- En caso de que un alumno ou alumna non acade os obxectivos mínimos, trataremos de ofertar unha variedade de actividades de reforzo, adaptadas e de consolidación.

- Utilizaremos multiplicidade de procedementos e mecanismos de avaliación e de recuperación.

- É importante, tamén, favorecer a existencia dun bo clima de aprendizaxe na aula e neste caso fora dela, insistir en

reforzos positivos para mellorar a auto estima.

- Favoreceremos o traballo en equipo, preferiblemente en pequenos grupos para que o alumnado poida desenvolver distintos roles.

En caso de alumnado con necesidades educativas específicas de apoio educativo, seguindo as indicacións do Departamento de Orientación, realizaremos as adaptacións curriculares oportunas, os reforzos educativos necesarios e estableceremos os recursos de apoio que o favorezan.

- O alumnado con discapacidade que poidan ser escolarizado disporán da modalidade que lles garanta unha resposta máis axeitada ás súas necesidades.

- Co alumnado que requira ser hospitalizado ou permanecer convalescente no seu domicilio,

intentarase un achegamento á materia e a comunicación a través de EDIXGAL ou do profesor de atención domiciliaria.

- O alumnado valorado como de altas capacidades pode ampliar o currículo ou aceleralo así como flexibilizar o período de permanencia na etapa.

- En relación á interacción entre iguais, fomentaranse as relacións de aceptación, axuda mutua, cooperación e respecto polas diferenzas, tan importantes para que o alumnado que teña dificultades na aprendizaxe non se sinta rexeitado e desmotivado.

MEDIDAS INTERDISCIPLINARES E COLABORATIVAS:

- Existen tarefas nas que sería interesante colaborar con profesores de materias afíns e complementarias podendo abordar proxectos conxuntos. Isto para os estudantes é unha aprendizaxe moito máis global e permítelles entender mellor a aplicación e o sentido dos saberes.

- Unha frecuente comunicación coas familias resulta crucial nos casos de alumnado con necesidades educativas especiais. Elas nos poden indicar cales son as fortalezas e a maneira máis axeitada para traballar cos seus fillos/as. Ás veces estas familias están asesoradas por profesionais que tamén nos poden guiar á hora de concretar procedementos instrumentais e adaptar a materia para ter máis posibilidades de éxito.

MEDIDAS ORGANIZATIVAS:

- Dispoñemos de plans de acollida ao alumnado estranxeiro con atención educativa específica para aqueles que se incorporen tardiamente ó sistema educativo e presente graves carencias en lingua castelá e/ou galega. Isto dependerá da dispoñibilidade horaria do centro, e tendo en conta que este alumnado se incorpora co curso xa iniciado, cando os horarios xa están pechados, é de moi difícil consecución. O alumnado que se escolarice tardiamente ao noso sistema e presente un desfase curricular de máis de dous cursos incorporaranse nun curso inferior ao que lle corresponde por idade.
- Non podemos esquecer a importancia da acción tutorial e da prevención do absentismo así como a indispensable colaboración co Departamento de Orientación.

7.1. Concreción dos elementos transversais

	UD 1
ET.1 - ET.1- Comunicación audiovisual. ET.2- Competencia dixital. ET.3 - Competencia matemática. ET.4 - Fomento do espírito crítico e científico. ET.5 - Educación emocional e en valores. ET.6- Igualdade de xénero. ET.7 - Creatividade. ET.8 - Emprendemento social e empresarial. ET.9 - Respecto mutuo e cooperación entre iguais. ET. 10 - Prevención e resolución pacífica de conflitos.	X

Observacións:

Na educación para a igualdade de xénero, evítanse os comportamentos, estereotipos e contidos sexistas, así como os que supoñan discriminación por razón da orientación sexual ou da identidade de xénero.

En canto ao emprendemento social e empresarial e á creatividade, trataremos de afianzar o espírito emprendedor e a iniciativa empresarial a partir de aptitudes como a autonomía, a iniciativa, o traballo en equipo, a confianza nun mesmo e o sentido crítico.

Na cooperación entre iguais e a prevención e resolución de conflitos, fomentáranse os valores que sustentan a liberdade, a xustiza, a igualdade, o pluralismo político, a paz, a democracia, o respecto polos dereitos humanos e polo Estado de dereito, e o rexeitamento da violencia terrorista ou calquera outro tipo de violencia.

A competencia matemática ven da utilización de de escalas e dimensións no encaixado para a realización do proxecto.

7.2. Actividades complementarias

Actividade	Descrición
1.- Visitas a espazos expositivos, virtuais ou presenciais da contorna. 2.- Charlas informativas relacionadas con distintos intereses para o noso alumnado.	Visitas guiadas, sobre todo virtuais. Charlas impartidas por diferentes profesionais. Participación nas actividades interdisciplinares .

8.1. Procedemento para avaliar o proceso do ensino e a practica docente cos seus indicadores de logro

Indicadores de logro
(P) Consulto a programación ao longo do curso e, en caso necesario, realizo e anoto as modificacións. (P) Dou a coñecer ao alumnado os elementos básicos da programación. (M) Amoso, ao principio de cada unidade didáctica, traballos variados para que sirvan de exemplo ao alumnado do que se pode facer. (M) Motivo o meu alumnado partindo dos seus coñecementos previos. (M) Na metodoloxía que aplico: emprego todo tipo de recursos e materiais para a aprendizaxe: material manipulativo, audiovisual, impreso, etc. (AD) A miña programación ten en conta a diversidade. (AD) Dou ao alumnado a explicación que precisa. (AD) Teño en conta o alumnado que se afasta da media dos resultados. (A) Na avaliación teño en conta diferentes competencias. (A) Unha vez rematada a unidade ou o proxecto didáctico, avalío a idoneidade dos recursos e das actividades empregadas no proceso de aprendizaxe.

Descrición:

Os indicadores de logro organízanse en torno a catro apartados:

- (P) Programación.
- (M) Metodoloxía.
- (AD) Atención á diversidade.
- (A) Avaliación.

8.2. Procedemento de seguimento, avaliación e propostas de mellora

Durante o curso, farase un seguimento da programación cunha periodicidade trimestral e por avaliacións.

En canto ao procedemento de seguimento, as ferramentas empregadas para analizar os indicadores de logro poden consistir en diario de aula e estatísticas de resultados.